

Clerici in communi viventes exempti sunt à solvendis Decimis personalibus omnibus; à prædialibus vero solis illorum fructuum, quos de hortis suis, & de nutrimentis animalium percipiunt, nec non illorum, qui ex Novalibus, quos propriis manibus, vel sumptibus excolunt, proveniunt. Barbofa de Offic. & potest. Paroch. loc. cit. n. 27. Anchoranus in c. Ex parte il. 2. h. t. n. 3. Rebuffus de Decimis. qu. 14. n. 45. & communis aliorum, arg. can. Decimas. 47. cau. 16. q. 1. c. 3. h. t. & c. Ex parte. 10. eod. ubi Regularibus Alexander III. indulgit, ut de novalibus suis, quæ propriis manibus vel sumptibus excolunt, & de nutrimentis animalium suorum, & de hortis suis Decimas non persolvant. De aliis vero rebus Decimas non possunt subtrahere.

63. Secundò, Cistercienses, Templarii, & Hospitalarii in præfato c. 10. sicut & in c. Ad audientiam. 12. eod. ulterius exempti sunt à Decimis prædialibus non tantum novalium, sed etiam omnium aliorum prædiorum, quæ propriis manibus, vel sumptibus excolant. Verùm ampliatum hoc privilegium postea restrictum fuit in Concilio Generali, & statutum, ut de prædiis & terris non novalibus noviter acquirendis, etiam si ea propriis manibus, vel sumptibus excolant, Decimas solvant, si de talibus prædiis ac fundis, antequam ad ipsos pervenerunt, Decimæ solvebantur, c. penult. h. t. ibi: Decernimus, ut (Cistercienses) de alienis terris, & amodò acquirendis, etiam si eas propriis manibus, aut sumptibus excolant, Decimas persolvant Ecclesiis, quibus antea solvebantur, nisi cum ipsis Ecclesiis aliter duxerint componendum. Et hoc ipsum ad alios Regulares, qui gaudent similibus privilegiis, extendi volumus, & mandamus: ut proin in privilegio exemptionis à solvendis Decimis de terris post Concilium Generale c. penult. h. t. allegatum acquisitis, Cistercienses ab aliis Regularibus de Jure communi plus non differant, quam in hoc, quòd illi, non item isti exempti sint à Decimis prædialibus etiam non novalibus illorum fundorum, ex quibus Decimæ prius antequam ad eos pervenerunt, non solvebantur.

64. Quoad Decimas verò de terris antè dictum Concilium acquisitis, in hoc differunt ab aliis Regularibus, quòd Cistercienses de illis Decimas dare non teneantur, et si antequam ad eos pervenerunt, Decimæ fuerint solute. Fagnanus loc. cit. nu. 18. & 19. eoque teste omnes, arg. cit. c. 34. h. t. ibi: De terris amodò acquirendis tenentur solvere Decimas: ergo à sensu contrario de terris prius habitis non tenentur, sed manet antiquum privilegium. Alii verò Regulares de Jure communi etiam de terris antea acquisitis (exemptis hortis, nutrimentis animalium, & novalibus, quæ propriis manibus aut sumptibus colunt) Decimas solvere teneantur, si de illis antea solvebantur arg. c. Ex parte. 10. h. t. ubi expressè statutum, ut Regulares cæteri de omnibus rebus quandocunque acquisitis Decimas solvant, nisi sint novalia, hortus, aut nutrimenta animalium. Nec in contrarium facit, quòd dispositio c. penult. h. t. Cistercienses eximens, etiam ad alios Regulares extendatur: Nam contra est, quòd dicta dispositio non absolute ad omnes alios Regulares, sed cum limitatione ad alios Regulares, qui gaudent similibus privilegiis, qualibus gaudent Cistercienses: hinc quia de Jure communi omnes cæteri Regulares similibus privilegiis non gaudent, textu claro c. 10. h. t. sed tantum aliqui, & quidem privilegio speciali Juri communi non infero, Regulares cæteri ex cit. c. penult. nihil favoris habent, consequenter de Jure communi à solvendis Decimis de terris etiam ante Concilium Generale acquisitis non nisi immunes.

65. Hinc Fagnanus loc. cit. n. 18. Pirhing h. t. n. 57.

Primitiis; & Oblationibus.

& alii cum grano salis sunt intelligendi, dum universaliter de omnibus Regularibus docent, duo copulative requiri ad hoc, ut Regulares teneantur ad Decimas prædiales. Primò, ut prædia & fundi eorum sint acquisita priùs quàm post Concilium Generale. Secundò, quòd antequam ad ipsos pervenerunt, Decimis fuerint obnoxia; hæc enim doctrina non de omnibus Regularibus, sed de solis Cisterciensibus, & illis, qui similibus cum eis gaudent privilegiis (quales sunt Templarii, & Hospitalarii cit. c. 10. h. t. & nonnulli alii specialia privilegia extra Corpus Juris habentes) intelligi potest, & debet arg. cit. penult. & c. 10. h. t. ut proin cæteri Regulares de Jure communi ad Decimas de terris tam ante quàm post Concilium acquisitis teneantur, etiam si de illis, antequam ad ipsos pervenerunt, Decimæ non fuerint solute: nisi forsan similia prædia privilegio reali Pontificio, aut consuetudine cum consensu Pontificis ab onere essent exempta juxta dicenda infra. Ex quo inferitur, quòd si Regulares similes cum Cisterciensibus privilegio non gaudentes emant, vel donata, aut mutata accipiant prædia à Cisterciensibus, teneantur de illis dare Decimas, licet priùs de illis Cistercienses vi privilegii sui personalis Decimas non dederint, sicut dare teneantur Laici, si à Cisterciensibus hujusmodi prædia emerent; cum cæteri Regulares de Jure communi ad Decimas prædiales æquè teneantur ac Laici, solis exceptis novalibus, hortis item, & nutrimentis animalium, quæ propriis manibus & sumptibus colunt, arg. sæpè cit. c. 10. h. t.

Dicitur autem notanter de Jure communi: quia 66 ex specialibus privilegiis Corpori Juris non inferitis ferè omnes Regulares, teste Barbofa de Offic. & potest. Episcop. p. 3. cap. 28. §. 30. n. 20. hodie exempti sunt à solvendis Decimis prædialibus de prædiis & fundis cunctis, sive ante, sive post Concilium Generale acquisitis, quæ propriis manibus, vel sumptibus propriis excolunt. Quinam autem Regulares in specie hujusmodi privilegia specialia à Pontifice concessa habeant, quia facti est, cuiusvis Religionis propria privilegia omnium optimè scienti respondendum relinquimus; vel non contentum Lectorem remittimus ad Barbofam de Offic. & potest. Paroch. p. 3. cap. 28. §. 3. num. 21. & seq. Miranda Tom. 2. qu. 49. a. 12. Roderiq. Tom. 2. q. 44. a. 4. & 5. Portel in Dub. Regul. vers. Decimæ. qui non tantum Religiones hujusmodi privilegiis gaudentes, sed & Pontifices concedentes, nec non & Bullas eorumdem adducunt.

Notandum tamen circa præfata Regularium 67 specialia privilegia, quòd, quia per Concilium Generale c. Nuper 34. h. t. allegatum, derogatum est omnium Regularium privilegiis, vi quorum exempti erant à solvendis Decimis, de prædiis & terris, quas propriis manibus, vel sumptibus colunt, privilegia ejusdem Tenoris de novo concessa non valent, nisi dentur cum clausula derogatoria dicti Concilii Generalis; prout allegatis pluribus Decisionibus Rotæ benè advertit Barbofa loc. cit. num. 37. & 38. Fagnanus in c. Nuper. h. t. num. 27. & alii. Ratio sumitur ex defectu intentionis in concedente, quia Pontifex Constitutionis Concilii Generalis nunquam censetur derogare, nisi clausulam Concilii expressè derogatoriam adjiciat, ut cum citatis DD. docent Archiepiscopus in c. 1. de Constit. in 6. n. 2. Felinus in c. Nonnulli de Rescript. cum communi aliorum, & sæpè decidit Dota apud Barbofam, & Fagnanum loc. cit. arg. c. 3. de Capell. Monach. Censetur autem dicto Concilio sufficienter derogatum, non tantum si præfato c. Nuper. h. t. in specie derogatur, sed etiam si alicujus alterius Generalis Concilii, cum addito & aliorum Conciliorum sit

§. IV. De modis, quibus quis eximitur à solvendis &c.

fit derogatio, vel si in genere dicitur non obstante aliqua Constitutione etiam in Concilio Generali edita, prout teste Fagnano loc. cit. n. 31. sæpè resolvit Rota, & tenet Decius Consil. 341. n. 10. Garcias de Benefic. p. 4. cap. 5. n. 40.

68. Insuper notandum, quòd in generali communicatione privilegiorum quantumvis ampla, non communicatur privilegium exemptionis à solvendis Decimis, prout allegatis Rotæ Decisionibus, ac S. Congregationis Decretis docet Fagnanus loc. cit. n. 33. Barbofa loc. cit. n. 41. Felinus in c. Sedes. n. 3. de Rescript. & alii. Ratio est; quia Communicatio privilegiorum non se extendit ad ea, quæ non nisi cum magna difficultate conceduntur, ut cum citatis habent Doctores, præsertim Jafon in L. 1. ff. de Legat. 1. n. 21. & 22. Anton. de Butr. Consil. 19. testeque Fagnano S. Congregatio, & Rota. Exemptio autem à solutione Decimarum non nisi cum magna difficultate conceditur. Ioan. Andreas in c. Dudum. n. 5. de Privileg. & DD. citati, Rota in Valentiniana Decimarum 28. Novemb. 1630. coram Cardinale Lancelloto Juniori, quod procedit, et si in Literis Communicationis fiat etiam expressa mentio de Decimis; quia intelligenda est de Decimis extraordinariis, non item de ordinariis & prædialibus, nisi etiam & horum expressa fiat mentio, Barbofa & Fagnanus loc. cit. Felinus loc. cit. n. 3. Baldus in L. Fiffulus. §. Frumenta. in fin. ff. de Contrah. empt. Pirhing h. t. n. 62.

69. Rursus notandum, Parochos & Rectores Ecclesiarum habere intentionem Juris fundam pro se contra Regulares quoad solutionem Decimarum (si novalia nutrimenta animalium, & hortos eorum excipias) ita, ut hi docere & probare teneantur exemptionis privilegium, si à Decimis solvendis immunes esse volunt. Barbofa loc. cit. n. 42. citans Decretum S. Congregationis. Ratio patet, quia cum etiam Regulares de Jure communi ad Decimas teneantur, utique exemptionis privilegium probare debent, si ab obligatione liberi esse volunt.

70. Queritur III. Quomodò interpretanda ac intelligenda sint tam communia, Junque communi inferita, quàm specialia privilegia exemptionis à solvendis Decimis? Resp. I. Privilegium c. Ex parte. 10. h. t. quo Regulares eximuntur à solutione Decimarum de Novalibus Neubruchs Neureuth, intelligi debet de illis terris, & fundis, qui prius nullos, aut modicos fructus afferebant, & quæ ultra memoriam hominum absque cultura fuere, arg. c. fin. de Privileg. ibi: Terras, de qua non extat memoria, quod aliquando culta fuisset, redacta per Religiosos viros ad culturam, perpetuo debet quoad immunitatem de non solvendis Decimis. Novalium Jure censeri. Concordat c. Quid per novalia 21. de V. S. ut proin ex terra, & fundo, qui per decem v. g. aut plures annos memoriam hominum non excedentes incultus jacebat, de novo cultis Decimas dare teneantur. Debent insuper à colonis & conductibus Decimæ dari de Novalibus etiam proprie dictis, quando ea pro pensione annua Regulares elocant. Abbas in c. 10. h. t. n. 4. Barbofa ibid. nu. 2. & communis aliorum, textu expresso c. Licet 11. h. t. concordat c. Ex parte. 10. eod. ubi solummodò datur exemptio à solvendis Decimis de Novalibus, quæ propriis manibus & sumptibus excolunt. Ratio est; quia privilegium hoc est personale, non reale, consequenter cum re non migrat ad colonos, vel conductentes, vel emptores; prout pluribus citatis Rotæ Decisionibus benè docet Barbofa in cit. c. 11. h. t. n. 1. Pariter tenentur ipsimet dare Decimas de Novalibus, quæ ab aliis conducunt, textu claro c. S. h. t. Accedit c. penult. eod. ubi universaliter statuitur, ut de alienis terris etiam Religiosi Decimas reddant.

Resp. II. Privilegium cit. 10. h. t. Regularibus concessum, quo immunes sunt à solvendis Decimis de pascuis & nutrimentis animalium, & hortis suis, intelligi debet de pascuis, & hortis solis propriis, non conductis arg. cit. c. S. h. t. & c. 10. eod. ibi: De suis. juncto c. penult. eod. Item de solis suis, quæ propriis manibus, vel sumptibus colunt, & colligunt, non quæ aliis elocant, arg. c. 11. h. t. ob rationem præced. nu. allegatam, & tenet cum communi aliorum Barbofa in c. 10. h. t. n. 2. allegans plures Rotæ Decisiones. Abbas loc. cit. n. 3. & 4. ubi insuper addit, dictum privilegium intelligi debere de solis hortis, pascuis &c. quæ ad proprium usum colunt, non item de illis, ex quibus olera, herbas, & fructus ad vendendum colligunt; aliàs malitæ possent committi fraudes, & non leviter emergent præjudicia locorum Parochis, & aliis jus Decimandi habentibus, ut si v. g. Regulares prædia, vel agros Decimis prius obnoxios fraudulentè reducerent ad hortos superfluos, prout consideranti patet.

Resp. III. Privilegia specialia Corpori Juris 71 non inserta cum derogatione Concilii Generalis c. penult. h. t. allegati, concessa, vi quorum Regulares eximuntur à solvendis Decimis de prædiis, terris & fundis intelligi debent non tantum de Novalibus, sed etiam de aliis, textu claro c. Ad Audientiam. h. t. ubi ratio additur illis verbis: N. m. si intelligeremus tantummodò de Novalibus, ubi ponimus de laboribus, de novalibus poneremus. Dummodò ea propriis manibus, vel sumptibus colant; quia de prædiis, quæ aliis elocantur, vel ad colendum alienis sumptibus traduntur, Decimæ à conductibus, vel colonis solvi debent, arg. c. Ex parte. 10. h. t. & c. Licet 11. h. t. ibi: Licet de benignitate Sedis Apostolica sit vobis indultum, ut de laboribus, quos propriis manibus, vel sumptibus colitis, nemini Decimas solvere teneamini; propter hoc tamen non est licitum vobis Decimas de terris vestris subtrahere, quas aliis traditis excolendas.

Pro cujus majori intelligentia notandum, va 72 riis modis posse prædia, agros, fundos &c. aliis excolendos tradi. Primò ut nudis ministris, & famulis, qui sumptibus ipsius domini pro mercede sibi constituta, sive in pecuniis, sive in fructibus consistente fundum excolant: in quo casu certum est, Regulares à Decimis immunes esse; quia licet non propriis manibus, tamen propriis sumptibus fundum colunt, quod sufficit ad exemptionem à Decimis quoad novalia, hortos, & nutrimenta animalium, c. 10. h. t. nec non quoad alia prædia, si specialia de eis privilegia habent eos eximentia à præstatione Decimarum de prædiis & fundis, quos propriis manibus vel sumptibus colunt, arg. c. Ad Apostolicam. h. t. Secundò tradi possunt prædia & fundi aliis colenda pro certa pensione annua sine pecuniaria, sive frumentaria, seu in alia re consistente, ita, ut colonus propriis sumptibus & periculo proprio totum colat, omnesque fructus pro se colligat, præstans pro his Domino singulis anni vel certam quantitatem pecunie, vel certas mensuras frumenti, vel alterius rei, prout fit in Locatione, & Emphyteusi &c. in quo casu certum est, quòd colonus de hujusmodi prædiis dare debet Decimas, arg. cit. c. Ex parte. & c. Licet 11. h. t. Ratio est; quia Regulares nec propriis manibus, nec propriis sumptibus colunt. Abbas in c. 10. h. t. num. 2. Tertio tradi alicui potest prædium, vel fundus ad excolendum pro aliqua certa v. g. quarta, tertia, & dimidia parte fructuum gignendorum ex tradito fundo, ita tamen, ut colonus talis partiaris propriis sumptibus totum colere, atque determinatè parte ex fructibus gignendis contentus esse debeat, sive paucos,



te colligi videtur, consuetudinem in Decimis univer- siter attendendam esse; sic enim dicitur c. Cum sint homines 18. h. t. In hujusmodi dubitatione (circa Decimas) ad consuetudinem duximus recurendum. c. Ad Apostolicam. 20. eod. ibi: Tu eligas in hoc casu (Decimarum) quod per consuetudinem diu obtentam ibidem noveris observatum. Cum Concordantiis. Resp. Per hos & alios Juris textus, in quibus habetur, in materia Decimarum attendendam esse consuetudinem locorum, penitus nihil pro se probare Adversarios, quia in nullo eorum, nec in toto Jure habetur, quod quis per consuetudinem omnino, vel ex parte immunis sit, vel esse possit a solvendis Decimis, sed tantum, quod attendi debeat consuetudo circa modum, quo solvi, & locum, in quo solvi debeant Decimae, uti aperte constat legenti citata c. Cum sint homines, & c. Ad Apostolicam. h. t. unde mirum, quod Adversarii ex his textibus probare nitantur, consuetudine acquiri posse exemptionem a solvendis Decimis.

89 Objectiones II. c. In aliquibus 32. h. t. ubi dicitur: ille Decimae necessario solvenda sunt, quae debentur vel ex lege Divina, vel loci consuetudine approbata: ex quo manifeste patere videtur, non omnes sed aliquas tantum Decimas deberi Jure Divino, aliquas vero videlicet formaliter sumptas sola consuetudine, quae per contrariam consuetudinem iterum tolli potest per ea, quae diximus Lib. I. tit. 4. de Consuetudine. §. 8. Resp. cum Glossa hunc textum intelligendum esse, sicut c. 18. & 20. h. t. videlicet, quod circa modum & locum attendenda sit consuetudo: vel esse intelligendum de consuetudine approbata a Summo Pontifice; ita ut vi consuetudinis a Pontifice approbata fieri possit, quod non integras Decimas, sed tantum partem earum v. g. vigesimam aut trigessimam dare teneatur locus aliquis: quae responsio conformis ex textu, ubi tantum est sermo de consuetudine approbata circa obligationem solutionis Decimarum non integrarum, utpote ad quas de Jure jam debitas nec consuetudo, nec approbatio requiritur, sed secundum partem tantum. Deinde responderi potest concedendo, quod aliquae Decimae sola consuetudine debeantur, illae nempe quae solvantur a personis de Jure ad solvendas Decimas non obligatis; quales sunt Clerici c. 2. h. t. item secundum aliquos Decimae personales, utpote secundum communissimam solo Jure humano debite. Et ex his responsis patet, nec textum c. In aliquibus. 32. h. t. nec alium textum quidquam probare pro Adversariis.

90 Objectiones III. Consuetudo immemoralis aequivalere privilegio, ut habet communis apud Covarruviam lib. 1. Pariter. Resolut. cap. 17. n. 5. arg. l. fin. ff. de Aqua, & aqua pluvia arc. ergo saltem per hanc acquiri potest exemptio a solvendis Decimis. Resp. Transmissio ant. negando consequentiam; quia Bulla Urbani VIII. supra n. 87. citata expressè contradicit: uti bene observat Fagnanus in c. In aliquibus. 32. h. t. n. 14. & in c. 1. de Consuetud. n. 57. Nec valet dicere, dictam Bullam in his locis non esse promulgatam, vel saltem non receptam. Nam contra est, quod in eadem expressè etiam inter alia habeatur, non licere eidem contravenire sub praetextu, quod non fuerit publicata, vel usu recepta, aut usu contrario quantumlibet longissimo abrogata; sunt verba §. 4. ejusdem Bullae.

91 Objectiones IV. Per consuetudinem passim sublatae sunt non tantum Decimae personales, sed etiam in plerisque locis praediales & reales minuta, ac in nonnullis locis etiam Decimae majores, & in aliis locis sunt diminuta: ergo vel consuetudo haec valida erit & licita: vel certe innumeri homines etiam alias timorati, qui huic consuetudini ubique se ac-

commodant, graviter peccabunt. Resp. illos, qui vi solius consuetudinis. Decimas reales non solvant, secundum Antiquorum (cum quibus & nos sentimus) sententiam: revera peccare omnes, quos non excusat ignorantia, vel bona fides, quod credunt, se male non agere sequendo communem gravissimorum DD. opinionem. Ceterum relinquimus iudicio prudentis Lectoris, quenam sententiam Antiquorum nempe, an recentiorum in hoc puncto sit probabilior. Solummodò monemus Doctores teneri sedulo indagare veritatem, illamque sententiam, quam revera iudicant probabiliorē, ipsosmet non tantum sequi, sed & interrogatos alios consulere, eò quod juxta omnes non liceat sequi sententiam probabilem relicta probabiliori in materia tangente praesudicium tertii, qualis est materia Decimarum.

S. V.

De Personis, quibus Decimae sunt solvenda;

SUMMARIUM.

- 92 Decimae Jure Divino debentur Clericis Ecclesiae Ministris, olim per Episcopos dividenda.
- 93 De Jure communi Decimae debentur Parochis.
- 94 Decimae praediales pertinent ad Parochum loci, in quo praedia existunt.
- 95 Nisi aliud habeat consuetudo.
- 96 Quomodo, non obstante, quod Decimae debeantur Jure Divino, valeat consuetudo? Et numer. sequenti.
- 98 Parocho proprio non fit injuria, si Decimae praediales alieno Parocho solvantur.
- 99 Decimae personales debentur Parocho, a quo quis recipit Divina.
- 100 Parochi habent fundatam intentionem in Jure super Decimis contrà quemvis.
- 101 Ob quam tamen Decimas alienas invadere non possunt; nec invadentes manentur.
- 102 Doctrina praedialia.
- 103 Ecclesia Baptismalis, & Matris quae?
- 104 Quando dividitur aliqua Parochia, remanens Decimae praediales apud Matricem, nisi aliter ordines Episcopus.
- 105 Probatur ex Jure.
- 106 Non est necesse, ut Episcopus omnes Decimas assignet.
- 107 Episcopis debetur quarta de singulis Decimis.
- 108 De quibus habet fundatam intentionem.
- 109 Enumerantur casus, in quibus Episcopo debentur integrae Decimae, usque ad n. 112.
- 112 Etiam aliis Clericis Beneficiariis debentur Decimae: & quando?
- 113 Secus est de non Beneficiariis.
- 114 Decimae solvi debent Clericis Ecclesiae Ministris, etsi sint divites.
- 115 Vel male vite.

Queritur I. Quinam solvendae sint Decimae? Ante responsum notandam, quod Jure Divino Decimae solvi debeant Clericis Ecclesiae Ministris, prout patet ex dictis supra nu. 13. ac c. Tua nobis. 26. h. t. ubi expressè dicitur, quod Deus Decimas in signum universalis domini sibi reddi preceperit, & in tantum, ut ad eas Clericis exhibendas, quibus eas ipse pro suo cultu concessit, Laici sint cogendi: quibuscumque autem Ecclesiae Ministris singulae Decimae essent solvendae, determinandum Deus reliquit Ecclesiae, ejusque summo Capiti visibili, nempe Papae, qui pro diversitate temporum & circumstantiarum Decimas Ecclesiae Ministris diversimodè assigna-

assignavit. Et quidem olim Decimae omnes solvebantur loci Episcopo, ad hoc, ut ille eisdem Clericis Ecclesiae Ministris, cuius pro merito & exigentia in sua Dioecesi fideliter distribueret, prout videre est in ean. in cau. 16. q. 7. ibi, Decimas sub manu Episcopi esse censemus, ut ille, qui ceteris praebis, omnibus justè distribuat &c. quia inobsequium videtur, ut alii Sacerdotes habeant, alii detrimentum patiantur. Concordat ean. Pervenit. 3. ead. cau. & q. ubi Episcopus vocatur divini mandati transgressor, quod Decimas Laicis, & non propriae Dioecesis Sacerdotibus distribuere. Verum Jure novo aliter disposuere Pontifices, uti dabunt Conclusiones sequentes.

93 Resp. I. Hodierno Jure communi post factam Parochiarum, ac bonorum Ecclesiasticorum divisionem, Decimae solvi debent Parochis. Barbosa de Offic. & potest. Paroch. p. 3. c. 28 §. 2. n. 7. & seqq. Fagnanus in c. Cum contingat. 29. h. t. Pirhing h. t. n. 80. cum communi aliorum, claris Juribus c. Cum contingat. 29. h. t. ibi: Perceptio Decimarum ad Parochiales Ecclesias de Jure communi pertinet, & c. Cum in tua. 30. eod. ibi: Ad Ecclesias Parochiales de Jure communi spectat perceptio Decimarum. Nec est controversia inter DD. circa Conclusionem de Parochis in genere propositam: quia verò varii Parochi & Ecclesiae Parochiarum, ac bonorum, proprii nempe & alieni, Baptismales & non Baptismales; aliqua controversia est inter DD. cumam Parochos debeantur Decimae? Pro cuius decisione faciunt Conclusiones sequentes.

94 Resp. II. De Jure communi Decimas praediales Parocho loci solvere debent non tantum parochiani proprii, sed etiam alieni de agris & praediis, quae intra limites talis Parochiae existunt, nisi in contrarium sit loci consuetudo. Prima pars de propriis parochianis est communis ac certa, patetque ex Juribus praecedentibus. Altera pars docetur a Glossa in c. fin. de Paroch. y. Praediorum, & in c. Ad Apostolicam. 20. vers. Consuetudo, nec non in c. Cum sint. 18. vers. Diversae. h. t. Fagnanus in c. Cum contingat. h. t. n. 21. Abbas in c. Cum sint. 18. h. t. n. 6. Pirhing h. t. n. 85. Engel eod. n. 6. Sylvestre vers. Decimae. n. 14. Navarrus h. t. Consil. 1. n. 6. & communis aliorum, arg. c. fin. de Paroch. & c. Quoniam. 13. h. t. ubi universaliter ac indistinctè statuitur, ut si terra intra certam aliquam Ecclesiam Parochiam fuerint, Decimae eorum eidem Ecclesiae debeant assignari. Ratio est: tum quia juxta dicta superioris Decimae praediales sunt omnes reale inherens ipsi rebus; in oneribus autem realibus non inspicitur colorus, sed locus, ubi res sita est, arg. l. Forma. 4. ff. de Cen. & c. De terris. 16. h. t. Tum quia valde difficile, & confusiois periculo expositum esset, si unus Parocho in alterius Parochia Decimas colligeret, ut bene notatur c. Cum sint. 18. h. t.

95 Dicitur tamen notante, nisi in contrarium ad sit consuetudo; quia si alicubi viget consuetudo, quod Parochiani non alienos, sed proprio suo Parocho solvant Decimas etiam de agris & fundis in aliena Parochia sitis, eidem standum est: prout fatentur omnes, ob clara Jura cit. c. Cum sint. 18. h. t. ubi expressè statuitur, ut in hujusmodi casu ad consuetudinem sit recurendum, quod idem dicitur c. Ad Apostolicam. 20. h. t. illis verbis: Decimas verò messium, vel fructuum arborum, si coluerint in alia Parochia, quam in ea, in qua habitant: tu eligas in hoc casu, quod per consuetudinem diu obtentam ibidem noveris observatum.

96 Dices, Decimae tam materialiter quam formaliter sumptae debentur de Jure Divino juxta dicta supra n. 8. & seqq. ergo nihil circa eas valet consuetudo, utpote quae contra Jus Divinum nullam vim habet c. fin. de Consuetud. Resp. Distinguendo Ant. Decimae debentur de Jure Divino in tantum, in quantum pro signo supremi domini Ecclesiae, seu Clericis Ecclesiae Ministris debeant solvi, conceditur: in tantum, Reiffenstuel Jus Can. Tom. III.

ut de Jure Divino uni certo Ecclesiae Ministro, & non alteri Ministro solvi debeant, negatur Ant. quia uti nu. 92. diximus, Deus tantum praecipit, ut pro cultu suo Decimae dentur Clericis, relinquendo dein Vicario suo, & Ecclesiae ut eidem pro meritis & exigentia circumstantiarum dividat; consequenter quia Ecclesia Decimas praediales alii Parocho assignat, qui ex consuetudine dari consueverunt, si videntur proprius sit Parocho five non, consuetudo haec attendenda erit.

Instabis: Decimae de Jure Divino debet quisvis illi 97 Parocho, a quo recipit Sacramenta, & alia Divina; cum Jure Divino dignus sit operarius mercede sua, arg. c. t. de Sepulturis. ergo per consuetudinem fieri non potest, ut neglecto Parocho proprio Decimas quis solvat alieno Parocho. Resp. rursus distinguendo Ant. Decimas materialiter sumptas, quatenus nempe sumuntur pro honesta sustentatione de Jure Divino debet quisvis illi, a quo percipit Divina, conceditur: Decimas formaliter sumptas, negatur; haec enim, ut dictum, ex Divino Jure solummodò debentur Ecclesiae, & Clericis Ecclesiae Ministris in genere, ita ut quantum est de Jure Divino, & nisi Ecclesia aliud ordinasset, praecipio huic quis satisfaceret, cuiuscumque tandem Ecclesiae, & Ministro ejus Decimas daret: adeoque de Jure Divino non referat, quenam Ecclesia vel Minister ejus Decimas percipiat; cum, ut bene observat Abbas in c. Cum sint. 18. h. t. n. 6. omnes Ecclesiae censentur una Ecclesia, arg. ean. Loquitur. 18. cau. 24. q. 1. & quisvis Clericus Beneficiatus eodem modo & obligatione teneatur in pauperes, & causas suas erogare, quidquid ex Decimis honestae sustentationis superfluum habet, arg. ean. Decimae. 66. cau. 16. q. 1.

Necque fit injuria proprio Parocho, si vi consuetudinis Decimae praediales dentur alieno, illi nempe, ubi agens, vel fundus dantis Decimas existit. Tum quia pari jure in simili casu & ipse gaudet, ut nempe ab alieno Parochiano, habente in sua Parochia praedia, Decimas percipiat: tum quia remanent eidem adhuc omnes Decimae personales, ac etiam praediales de agris intra limites suae Parochiae sitis: tum etiam quia omnibus deficientibus habet jus ad Decimas materialiter sumptas, seu ad honestam sustentationem, ad quam, si necesse est, etiam illi proprii Parochiani concurrere debent, qui alieno Parocho Decimas formaliter sumptas vi consuetudinis solvant de suis fundis in aliena Parochia sitis.

98 Resp. III. Decimas personales de Jure communi 99 quique tenetur solvere proprio Parocho, a quo recipit Sacramenta, & alia Divina, etiam si alibi locum ex negotiatione v. g. faciat. Abbas in c. Ad Apostolicam. 20. h. t. n. 1. & ibi Barbosa, Joan. Andreas, Pirhing h. t. n. 84. cum communi & certa aliorum, textus expressus habetur cit. c. Ad Apostolicam. 20. h. t. ibi: Noveris itaque, quod aequum est, ut illi Ecclesiae Decimae personales reddantur ab eis, in qua Ecclesiastica percipiunt Sacramenta. Concordat c. fin. de Parochiis. Ratio est: quia Decimae personales non sunt omnes reales, sed personale ex dispositione Ecclesiae assignatae Parocho proprio pro sustentationem ejusdem pro mercede laboris spiritualis, quem Parochiano exhibet, arg. citatis Juribus, & c. de Decimis. 45. cau. 16. q. 1.

99 Resp. IV. Decimae modo in precedentibus tribus conclusionibus specificato, usque aded debentur Parochis, ut hi etiam habeant pro se fundatam intentionem in Jure contra quemcumque etiam Clericum, Monasterium, imò & Episcopum, consequenter emergente dubio vel lite de Decimis, omnes probandi non Parocho, sed aliis afferentibus, quod Decimae pertinent ad eum, incumbat. Fagnanus in c. Cum contingat. 29. n. 21. Rebuffus de Decim. q. 7. n. 5. Barbosa de Offic. & potest. Paroch. p. 3. cap. 28. §. 2. n. 8. Pirhing h. t. n. 80. & tulle Fagnano omnes alii. arg. cit. c. Cum contingat. Ccc





